

皇明史竊

皇明史竊卷之第五十六

秦楊熊陳傳吳列傳第三十四

東晉書卷之五十六

秦紘字世纓單縣人也景泰二年進士授南道御史以忤臺長軒輒降北黃驛丞御史鍊綱薦起爲雄縣令坐禁中官游獵擾民爲所誣禍巨測百姓走擊祭聞鼓訟寃乃得宥調府谷六載轉葭州復調秦州以艱去秦民哭留之奏保還任陞鞏昌太守晉陝西參政復調廣西已陞僉都御史巡撫宣府轉副都御史巡撫陝西先是秦府旗校往往恣睢部民紘至捕治之王不能堪訐紘

凌茂親王亡藩臣禮逮下詔獄藉其家止得一黃絹數
故衣上大嘉歎且賜鈔旌厲改撫河南上已心屬紘庶
而又喜紘能執法汪直巡邊所過都御史戎裝伏謁紘
獨與抗禮疏直驛騷郡縣直還上問各省巡撫孰賢直
獨稱紘上出紘疏示直直叩頭伏罪益稱紘賢不已上
亦釋直不問召紘還戶部右侍郎上晚年頗惑方士有
內旨降廣西參政弘治改元王三原薦起左副都御史
總督漕運坐論御史姜洪爲臺省論駁罰俸一月三年
轉右都御史出爲兩廣總督僅數月奏劾總兵柳景貪

丁坐講筵治景請壽寧侯爲上解臧免景據他事反詆
紘上亦逮紘還去官臺諫交章論救不報吏部尚書王
恕上言景職陛下免之矣而恩不及紘是爲地方軍民
之害者可恕而除地方軍民之害者不可用何以服
心而勵將來肇慶府同知張吉亦抗章極論紘誣上悟
乃召起爲南京戶部尚書掌部五年致仕去去三年虜
犯固原南京守備魏國公徐溥疏紘可當邊閫重寄召
還戶部兼左副都御史出撫陝西明年詔設總制府于
固原俾紘總陝三邊紘自以意造布甲車以銳制勝

十七年加太子太保是年革總制召還部遂致仕明年
卒年八十贈少保謚襄毅紘歷官四十餘年提兵南北
列位孤卿所居僅蔽風雨妻孥菜羹麥飯不改其舊未
幾子孫貧乏不能存者

論曰秦襄毅之初爲御史首見黜於鹿邑軒公及起爲
令以至卿孤起輒躑躑復起處群小不啻如鷹鷂之逐
鳥雀宜其殆哉閹直牛馬走公卿而獨尊畏紘紘非人
臣乎王越諸人胡不遄死柳下惠曰直道而事人焉生
而不三黜此足以見襄毅矣

楊繼宗字承芳山西陽城人天順元年進士初授刑
主事獄中重囚數百又桎梏多臬腐死繼宗敕令守
予囚三日一櫛沐吏部尚書王翱聞而賢之薦知嘉興
府故事守見上司皆素服繼宗必服其本品綉補或曰
不可繼宗曰此乃制服也朝見君上且用之矣舍此將
安服耶七邑屬吏來參謁戒之曰近民之職惟守與令
其長賢則僚佐皆賢令爲四民之父母庶官之視效可
不謹哉一不職較僚佐官加罪諸令長其悉太守意明
日大頒政教禁游民禁倡優博奕樗蒲之具市不得鬻

孔民子第八歲不就學者罰其父兄孝子順孫義夫節婦令長各得以其名來上旌勵表揚豪民勢宦有犯亡貸會御史行郡嘗受要津托欲釋一土豪窩盜官緝歸鞠指囚語繼宗曰是當有失主何人也繼宗曰朝廷即失主曰原告者何人也曰知府即原告御史語塞有孔御史行郡清軍里老多爲撻死繼宗揭示通衢曰郡民其爲孔清軍打死者各以其名來報入告御史曰爲治貴識體將死數民之命求補已絕之伍可乎今必若公逐里清審此有司之事非憲臣體也孔不能折以委太

守行日直入郡衙思有以訐繼宗者繼宗引入卧内凡
上圖書數卷床頭故衣一篋而已御史愧服而去嘉興
當江南孔道内臣往來百方索賂繼宗直與菱藕曆日
内臣曰我無用此太守幸與我金錢或好布絹繼宗曰
諾出牒取庫中金錢入饋曰此金錢在也布絹可市而
有矣幸予印券附案他日磨勘内臣咋舌不敢受是時
瑞立内用事聞之私識繼宗矣及繼宗入覲上問直來
朝郡縣官聞孰燕立以繼宗對繼宗九載秩滿超陞浙
江按察使郡民遮道扶携不忍舍去爲立生祠祀繼宗

長集威信益著會墨吏望風竄避盡革諸司和市鎮守
內臣張慶橫甚日索供萬錢繼宗尺符下杭悉汰之慶
兄敏在司禮時諛繼宗上前欲中之上曰得非不要錢
之楊繼宗乎敏懼因遺書慶令善遇繼宗官家已知其
人矣已值內艱解任制終起陞右僉都御史巡撫順天
永平民故有田爲戚宦占去聞繼宗風裁皆赴愬繼宗
曰巡撫以撫恤軍民爲職舍此將何撫乎盡奪還民會
有星變地震之異下詔求言繼宗疏指內臣及文武百
官大肆貪殘民心嗟怨致此變異乞查舊例取回鎮守

諸處內臣如巡撫漕運必賢如周忱李秉正竝者任之
布政憲使必賢如王恕軒輓者任之知府必賢如崔恭
王宇者任之下此斗筭之人不堪任使疏上不報而是
時管河治中陳翼嘗謁繼宗拒不見甚恨之於是應詔
陳言援繼宗平日諸過當事訐奏繼宗褊心迂物失大
臣體調雲南按察司副使時值峒獠生亂繼宗自署
旗曰雲南副使楊繼宗入其穴諭之衆皆羅拜曰聞大
人名久矣今至此是吾徭人再生日也聽撫安受約束
而還弘治元年陞湖廣按察使甫下車卽命祗候者汲

清水三百斛將公堂上洗刷三日日滌去貪污之氣官
吏人人股栗尋陞左僉都御史巡撫雲南遂卒于官時
三司官多其舊僚繼宗至則疏其不職者八人皆去官
其方嚴若此人謂繼宗別白太明言論太激然所至民
懷如父母吏畏若神明沒將百年始得追謚貞肅

論曰楊繼宗嘗言吾初仕欲學包公終不能及余謂包
公之庶明正直洵古之豪傑然尚論者有病其刻繼宗
以其剛大之氣直足以懾群邪之膽而庇我蒼生比比
然矣視包待制不猶過之乎後君子以爲然否

熊繡字汝明道州人也成化二年進士初授行人奉直
楚府巡茶四川往返饋遺雖一扇不受其清操天性也
選御史巡按陝西發姦擿伏無所假繡欲按治右布政
使于璠賍璠棄官逃繡追之急反爲璠誣奏被逮還京
事白璠固落職而繡亦謫知清豐縣在縣殫心民瘼單
騎巡行鄉社等第其民戶高下爲之均徭薄賦民有老
死無依者爲歛葬之滿三載陞鳳翔守去之日清豐父
老遮留痛哭如乳子之失慈母也是年陝西大侵繡至
鳳翔三日而兩郡內豐登繡見有繪其像祀于家者則

按陝時戴恩尸祝者也治郡一如其治清豐陞山東右
參政轉右布政陞右副都御史巡撫延綏將士憚其廉
素軍威振肅套虜不敢犯塞內艱歸坐一小茅蓬船麻
不草餒人莫知其爲誰服闋起兵部右侍郎尋轉左奉
命清汰騰驤四衛勇士千人雖爲諸閹所啣而孝宗定
信任之正德改元諸閹遂不肯使容於朝以左都御史
令出兩廣總督瑾復令人間調其粵中行事還報曰熊
和御史廩給外無一毫過誤可指且奈何召還南院令
致仕已摘大同豆布沔爛爲繡巡撫時事罰米五百石

先巡撫征賊有功賞以金幣悉輸之六年

清直之過人畏避之竟無有起之者十年卒無子巡撫

忝金請于朝贈南京刑部尚書明年太僕少卿何孟

疏曰竊見故都御史熊繡事母能孝事兄能友居

貧若常能儉收歷中外四十餘年守法奉公推賢

不邀時譽不急近功言無爽於屬垣行弗虧於顧影

廬一守先業俸祿頒及同宗在官恒蔬食以自安巡

撫之日雖廩米有羨亦斥還官在家惟山居以自遠

還一物雖親戚至厚不容晚已鄉人評其白首持清節

身無過舉之士矣往年都御史戴珊張敷華卒其門
二屬吏子孫咸請易名主事張鳳翔孔琦卒鄉人請卹
六家聖朝表勸清賢不吝恩需繡才節操履無讓珊等
謚卹孤惟宸衷軫允幸甚詔給繡繼子之子端米月
一石謚莊簡

壽字本仁其先新淦人也其伯祖父謫戍遼東喪明
不能往止一子應受役壽祖念兄養無所託請以身代
人義其行壽父隨戍而生壽壽少貧甚而落落自豪嘗
金於市坐候夜分得金主還之時人已服其介

從學醫閭先生學三舉不遇乃遍歷宣大關西諸鎮欲
持戈建功名去二年仗劍歸遼左理舊業應山東舉登
成化八年進士授戶科給事中疏指萬貴妃兄弟及中
官梁方妖僧繼曉干撓國是繫詔欲尋釋孝廟怒極遷
大理寺丞有御史摘壽短於吏部而已欲獵取之王三
原曰壽蘆正敢言於執法吏爲稱平調南京光祿少卿
復轉南鴻臚卿十三年陞都察院右僉都御史巡撫延
綏先是延綏守臣失事俱得罪倪文毅爲太宰難其人
欲用壽以問楊文襄文襄曰是因儒將當不負公知也

壽至大飾脫羅干入寇先以百騎誘我諸將請赴之壽
曰虜衆未可當也自出帳前擁左右數十騎據胡牀麾
指飲食如無事虜望見疑之引去尋授方畧諸將佐邀
擊之大斬獲上降勅獎賚加俸一級往是守臣子弟多
竄名於戰籍冒首功同事者以諷壽壽曰吾子弟不諳
弓馬豈可欺罔以邀爵賞乎十六年陞南京右副都御
史正德改元閹瑾竊柄勅令鈴東莖官不得妄言朝政
既讀勅壽正色言於衆曰言路其可闕乎已而南京諸
言官科臣戴銑道臣薄彥徽等同上章論瑾皆被逮繫

壽獨上疏救之瑾怒奪職八年楊一清爲吏部薦起巡撫陝西時陝正屬兵荒後太監廖鏜爲鎮守兵民爲所推剝一清曰非得素患鯁輕去就如壽者不足以制之時鏜稱旨徵造絨氍帳帟數百間料價數十萬壽至則已完解餘價數萬鏜欲取輸內權貴壽檄留以備賑其瓜牙患少散遣衛縣漁獵下令捕之皆逃歸鏜氣沮民稍安未幾改遷南京兵部右侍郎軍民號泣擁留壽曰君命也九上疏乞休乃陞南京刑部尚書致仕壽歷官四十年大半在散地食祿任事不久而蕪名最著貧無

所於歸僑寓南都上知其清謹令有司月給米二石與
隸二名世宗入嗣大統詔進一品階榮祿大夫賜羊酒
綵幣存問尋卒無以爲歛又數載始得歸塋新淦久之
都督楊宏陝人也上疏言壽仁廉恤下知兵能遏虜請
卹其後

論曰壽之在諫垣也指斥貴近無所避忌而不肯彈劾
一士大夫嘗語人曰吾父戒我勿作刑官枉人而言官
枉人尤甚言可輕耶余惟宋有諫官王素言曰人材難
得無事之時當爲朝廷愛惜壽之心其類是乎

傅珪字邦瑞清苑人也成化二十三年進士庶吉士授
編修弘治中兼司經局校書與修大明會典陞左春坊
左中允正德改元陞左諭德兼侍講克經筵講官與修
孝廟實錄是時閹瑾弄政惡翰林之不附已也詭以會
典中新例爲壞祖宗制書奪諸與修者官降修撰璫誅
復中允歷侍講學士陞吏部右侍郎尋轉左陞禮部尚
書時上好佛自稱大慶法王外廷聞之無微不敢諫俄
有內批畚僧請田百頃爲大慶法王下院珪遂劾僧曰
孰爲大慶法王至與聖旨並列大不道當誅詔勿問田

亦竟止時上固已心憚珪諸近侍亦都歛戢不敢復有請託如前尚書時也已而優伶臧賢怙上寵請改牙牌珪曰優敢亂祖宗法耶尋又私於部屬吏之陰附已者請鑄教坊司印改爲方部屬吏請於珪珪曰第倣舊式鑄與之諸優遂欲騰謗中傷部屬吏珪召教坊官語之曰汝優皆供事久豈無年長曉事者今日敢亂祖宗法汝寵可常保耶諸優皆叩首稱不敢而心內甚啗珪日比諸內臣謀去珪未有以中也會太監陸閏征劉六劉七等賊欲立監鎗名銜益出後曹內臣統軍下廷議群

臣依違莫敢爭珪奮言于朝曰今兵老民疲直以冒功
者冗濫僨事者漏罰致失將士心賊在郊圻肺腑間民
囂然思亂禍旦夕及宗社吾儕死不償責請公止首鼠
耶疏上明日竟遣監鎗者傳旨令珪致仕珪太嬖直與
臺閣諸大老多不合無一人有肯言上留之者南北言
官交章入不報珪歸杜門謝絕賓客及卒遺命無請葬
祭嘉靖元年詔錄先朝守正諸臣贈太子少保謚文毅
珪在銓部時楊一清爲家宰朝士爭趨附一清一清亦
善招援珪數爭其不公一清不能堪乃進珪大宗伯以

遜之及珪爲宗伯李東陽有壻爲儀制郎中前尚書皆
遇郎中厚恣其爲嘗呼其字而不官珪顧常按其廢法
笞其吏胥郎中求遜他曹避珪去以是故不容於朝
論曰我朝群小弄政至正德極矣傅珪爲宗伯正色
直諫風節稜稜天子敬憚姦邪歛縮可謂以道事
君允哉大臣然終朝之禡已隨其後是故君子予諷而
少直智士擬經以行權楊一清不動聲色戮璫之謀已
定笑談樽俎之上非此一輩之內臣乎嗟夫硤硤者缺
有自來矣

吳廷舉字獻臣嘉魚人成籍梓州成化二十三年進士
初爲順德令繫已字民時鄒智以陳言謫石城卒于順
德廷舉爲治喪左方伯劉大夏行部至不追迎謁大夏
以是益重其人廷舉至省謁大夏大夏留館署中不相
嫌廣有高士李孔修廷舉與爲布衣交總督兩廣屠瀟
石見廷舉其溫廷舉請曰知縣特奉臺檄數百里來
奔命將有地方重事耶瀟曰非也順德有陳內監者屬
瀟爲修其家廟敢以相託廷舉曰知縣非有舊例新恩
一夫不敢役一錢不敢費也遂辭出市舶太監給銀買

葛廷舉止用市二萬而返其餘金曰葛雷產也御史汪
宗器惡之曰是顯抗上官市已能者思有以中之廷舉
嘗毀過淫祠二百二十五所改社學修學宮御史遂會
其本直生廷舉廷舉因服就訊百姓群擁御史臺泣訴
乃釋之廣士夫稱廷舉渾身是膽皮囊是智令十年屠
漣入一室猶邨前陳仲陞成都府同知內艱起補松
江華客薦陞廣東兵備僉事尋兼鹽法是時劉瑾矯旨
令取各省帑金進貢內又有司禮打點錢同僚議以鹽
餉金應之廷舉疏言帑金自正賦外皆以留備兩廣軍

興因發鎮守太監潘忠二十罪忠亦誣訐廷舉逮繫詔
獄荷校十二日謫戍鴈門瑾誅還職進江西右叅政時
討桃源賊師興數載罔成功廷舉身往撫諭爲賊劫留
山寨中十餘日廷舉得賊要領計誘一二徒黨執其酋
以出勦平之陞廣東右布政使兼兵備副使奏許佛朗
機入貢民頗怨之廷舉曰夷船一可當一郡軍餉十不
知夷舶後爲民害且數年海道汪鋌始驅逐之尋以左
轄入副內臺疏六事陰備宸濠濠惡之貽書陸尚書完
使去孫燧別用一撫臣湯沐可梁宸可王守仁亦可矣

廷舉不可不可重囑之深懼之也嘉靖改元召入兵部
右侍郎議禮與永嘉不合立朝五日改南部尋掌南臺
晉南工部尚書遂歸逾二年卒廷舉長身而瘠面如削
以而神采英毅食田僅十餘畝妻子饑寒卒日都御史
姚鎮爲襄大事平生篤友誼初遊太學與南城羅比友
善比病痢僕疫死廷舉爲煮粥負登厠一晝夜十數反
比瘞同登進上玘語人曰玘四十年前生我者父母四
十年後獻臣生我隆慶改元贈太子少保謚清惠
論曰吳廷舉官東粵最久其詳愛婦人女子能道之然

身觸權貴伏囹圄貫三木匪朝卽夕及在江西穿窬草
石深窮賊壘寄之自死之地而不肯避逆濠發難乃其
心膽所碎裂首在當日桃源被刼一駭官吁嗟乎此豈
小之乎其爲廷舉哉

皇明史竊卷之第五十七

馬文升許進列傳第三十五

東莞尹守衡著

馬文升字負圖鉞州人也景泰二年進士授御史按晉楚有聲天順七年超陞福建按察使成化元年外艱歸固原土達滿四反即家起爲右副都御史巡撫陝西與項忠協討滿四禽之而忠者言其殺戮太過僅轉一階爲左副仍留撫安土達餘民文升檢其戶數給復三年於是皆叩頭俯伏誓不敢爲亂時茶法已久弛飭行之得馬八千餘匹虜犯臨鞏追獲其平章鐵烈孫上因命

兼提督甘涼寧夏三鎮軍務虜入肅州大破之於湯羊嶺築京觀焉名其嶺曰得勝坡十一年召還爲兵部右侍郎明年虜犯宣府以右侍郎出飭薊遼兵備文升巡閱險要以爲遼陽之西廣寧以東中有大河界之一方遇警應援不便奏於河上列舟爲梁立一軍戍之彼此得以相連防禦虜退上以副都御史陳鉞往代文升還轉左侍郎鉞至多調將吏小過令輸馬將吏且狎法而馬價亦踊文升上禦邊十五事及之鉞以是銜文升會建州女直反鉞掩近塞進貢夷屠其十八族以爲功諸

夷患大入塞鉞欲請大兵上令太監懷恩至兵部議尚
書余子俊曰虜使入貢而掩屠其家何以爲中國懷恩
曰然則撫之乎文升疾應之曰善上遂遣文升時璫直
方恃寵喜功欲偕行文升謝弗聽急馳赴盡撫安之直
言上從後至諸夷業解散直與鉞共構文升以爲夷之
變又升禁不與易農器激之也上遣刑部尚書林聰往
勘如直言遂下文升獄謫戍重慶衛以去直偕鉞大發
兵破諸屬夷拜賞賜而二人相比未久皆敗露文升乃
得復官致仕十九年起左副都御史仍撫遼東東人聞

文升復至鼓掌喧舞蓋文升至是凡三渡遼矣明年進
右都御史總督漕運兼巡撫鳳陽等處末期陞兵部尚
書尋有中旨調南京參贊機務孝宗改元召入爲左都
御史召見文華殿賜金織緋衣文升請釐時政一十五
事上新立方勵精特嘉納是年勅兼提督十二團營明
年轉兵部尚書首請作養將材刊布武經七書兩京武
學及中外武臣北虜時犯大同且西畧上安攘十三議
謂剿宣大宜置總制大臣三府既有鎮守太監宜汰各
路分守守備監鎗等內用廢事權不相掣肘上從其議

文升旣秉兵柄六軍諸校多所嚴覈不能無侵貴幸以是有怨家夜持弓矢警文升門上聞給金吾騎士十二出入爲文升衛文升因乞休優詔不許屬文升有小疾上使中貴人挾醫徃視賜上尊脯餼上以文升在任久特加太子少保久之又加太子太保皇太子出閣講學再進少保兼太子太傅階光祿大夫勲柱國而文升上章請擇老成醇謹之士以資啓沃上乃以吳寬爲東宮講讀官有旨傳陞盡王張玘等二十七人錦衣千戶文升諍之曰此先朝弊孔賴上初窒之今復啓之耶上然

功而冒武職使遙將解體江南歲稔有司請募民入粟
授以指揮等官文升復諍如前上皆爲停弗行時哈密
苦受弁於土魯番王死王毋署國土魯番襲而執之并
奪其金印去我納王毋之甥罕慎土魯番殺之以死來
赴歸我金印而求封文升曰何物小酋欲與我媾且憫
然王也格不予立曲先安定王之姪陝巴士魯番又執
之而使其驍將牙木蘭守焉文升曰虜非用陳湯故事
終不懾遣師至乃怖服歸陝巴爲王哈密之復也文升
久任居中經略一十餘載弘治十四年進吏部尚書

言近日傳陞等官將八百餘員減一官則朝廷省一官之俸而民受一官之酷胡虜犯邊納馬入監者七千人川陝荒歉上糴入監者萬人今日之濫進日多他日之害民不淺已又上陳職掌十事皆取近日之弊蠹而剗正之十五年上坐煖閣召大臣議政事論文升曰明年百官當朝覲卿其豫先採訪務秉至公以行黜陟御史揭報賢否未可盡信卿須用心斟酌時文升已年老上慮其瞶也復諭曰卿聞未文升頓首曰聞之聖心留意庶官爲天下蒼生此宗社之福敢不盡心上喜命中官

掖下階明年考察來朝官汰不職者二千餘人人無異
議及考察京僚給事中吳舜王益自以躁妄當斥因先
事誣論文升及都御史戴珊欲兩持以解文升曰吾安
可市名而廢天子法乎悉署去之滿九載加少師兼太
子太師文升與王三原歷官皆當成弘之世知無不言
恕直而劄文升練而詳二公持守咸卓中貴人李廣敗
時王公久已去公卿無不見染彈章蜩上獨不能及文
升但任兵部久不能盡得豪貴心在吏部年且八十材
力微示倦天子方嚮信劉大夏戴珊等文升與內閣劉

徒等皆不能不少讓矣正德初文升汰去弘治中傳陞
官七百六十三人盡籍寧晉河間靜海皇莊地還民而
中貴人之主計者得盡革御馬監王瑞以大婚禮奏討
書篆儒士自考校文升持不肯上不聽更下內閣府部
議卒從文升言文升因乞歸疏二十一上方允致仕去
是時吏部侍郎焦芳與司禮李榮相厚善且善璫日夜
覬文升去而已代其位至是芳果得代而文升歸又三
年坐薦許進雍泰爲朋黨除名子琇錦衣百戶調鈞州
所人以爲芳構之文升尋卒正德五年璫誅芳斥琇復

官錦衣文升得贈太傅謚端肅予祭葬嘉靖初加贈特
進左柱國太師初文升卒無幾大盜趙鐸亂河南行剽
至鈞州以文升家在焉捨弗攻攻破泌陽焦芳已跳匿
燬其家發芳篋取其衣冠縛蒿爲人而屠裂之曰恨不
爲天下殺此賊

論曰馬公之再出遼東也撫叛之績誠偉矣而讒間一
入遂不免重慶之行林公亦從之下后何哉入掌本兵
群不逞者彎弓且及其門又何其身之不恤而爲國府
急也至都冢宰雖在耄年而名器之由前冗濫者汰之

不遺餘力幸丁弘治之世云爾迨及嗣君瑞氛再熾彼不免禿名於身退之後悲夫

許進字季升靈寶人也成化二年進士初授監察御史時太監汪直用事進居言路累與直忤直與都御史陳鉞啓邊釁爲巡按遼東御史強珍劾直反誣珍它事鉞還京進率諸御史協救珍而論鉞罪浮於宋之黃潛善賈似道上是其言罰鉞俸卒亦謫成珍降進俸三月直又主一方士逮湖廣總兵李震以逆聞家累百口皆繫獄進又爲震白寬上誅方士于市進亦卒爲直陷受杖

午門幾死滿三考陞山東按察副使弘治元年轉廣西
按察使閱數月陞僉都御史巡撫大同馬鈞陽在本兵
素知進進疏邊事至輒得請邊務得修飭進又貽書小
王子言通貢之利小王子與瓦剌兩種奉進約兩年三
貢虜使多至三千人至關皆下馬脫弓矢入館戢戢聽
命北虜憚進威名雲中上谷河間諸塞上竟無虜患代
藩諸郡王或驕與巡撫通飲公等以易餉進一切持法
行已意諸郡王多惡進進終武邑王聰沐不律牋廢爲
庶人警勅諸郡王諸郡王自是不敢譁忤巡撫四年以

論鎮守內臣石巖爲巖轉誣降知兗州府七年陞陝西
按察使馬鈞陽欲復哈密思得進共事乃薦進爲僉都
御史巡撫甘肅時土魯番遣其酋牙蘭擬哈密進議方
略上言曰不襲斬牙蘭則天威不振而土魯番終不知
懼不懷來諸夷則聲援不合而我兵終不敢入今日之
計結好北虜撫諭南羌收赤斤等衛未一之心作苦峪
遺民已餒之氣以夷攻夷佐以漢兵出其不意則牙蘭
成禽矣牙蘭旣禽賊計沮塞然後綏和諸夷使之結爲
姻好分守要害以防報復少遷苦峪居者之半使之共

守哈密以理舊業整飭戎兵聯絡聲勢以爲諸夷應援
如是則土魯番進不能戰退無所得力屈智窮稱款有
日矣詔曰可鈞陽於是以兵屬進進調諸番兵乘夜倍
道襲牙蘭牙蘭調知遁去遂復哈密而西域以定是役
也鈞陽以進不能獲牙蘭徒取空城無益意失望不欲
賞天子念進塞外勞苦功足錄下勅獎勵陞右副都御
史巡撫陝西進繼張敷華後敷華在陝上下孚其政教
進因其舊第整齊之

監司巡歷歲有期

曾所涖州郡令籍其日所施行者來聞以是守巡悉各

民心民隱聞中有張明鏡許重磨之誼十年召入爲戶
部右侍郎

壽

軍侯家有賜田在河間凡與民田比者盡奪之冤聲撼
野上雅愛民勅進往勘進書爰出還民一時內戚遂多
憾進者是年虜寇宣大詔撫俞都御史提督軍務與平
江伯陳銳出師禦虜從征諸將時多貴遊子弟爲泰隨
其冒功進出居庸關下令盡編入伍不且以軍法從事
諸貴介不便又競媒孽進矣凡而總兵王璽失律軍敗
進聞于朝上乃下旨責進以右都御史史琳徃代進還

京進遂致仕歸數年廷臣論薦四十八疏上亦時時獨
許進可大用又曰劉大夏若入吏部進可代大夏者未
及召而上崩康陵卽位首召起爲兵部左侍郎提督團
營進薦都御史雍泰代已不報當是時兵部尚書劉大
夏屢求去侯進至大夏曰吾可去矣謂進曰勉爲國家
負荷報答先帝正德元年大夏致仕去進轉爲兵部尚
書時上不親政進疏乞勤聖學戒逸遊復議時政之宜
與筆者八事乞鑒古人宮府一體之意勿中阻已而端
睦以吏部尚書焦芳入閣遂轉進代芳皆進附已顧進

不阿亦不激時傳公議輒持正正德二年

上提學官進不可三年考察瑾欲留用一二貪殘官進
不可瑾見進數牴牾寔不能容語尚書顧佐曰進爲奸
邪欲去進用劉宇進薦前都御史雍泰起掌南戶部宇
遣人讒進于瑾曰泰平日剛暴朝廷罷不用今進以欺
公抑又揚言公雖與泰同鄉不阿于公乃吏部委曲用
之耳瑾聞言大恨進立斥泰票旨責進欺罔削進籍宇
得代瑾恨猶未解又掘進在大同時籍士出雇役錢失
勾校爲吏乾沒且籍進家會瑾誅得解復官致仕卒嘉

靖五年始得賜謚襄毅以子讚贈少保進議事每有遠
謀廷臣初欲誅瑾時瑾等窘自求安置南京去閣議堅
持在必克進曰此屬得踈斥足矣米浚其事恐有甘露
之變時不能從卒貽縉紳數年之禍進八子六登仕籍
詔舉鄉試蚤卒讚歷官南戶部尚書讚歷官少保兼太
子太傅吏部尚書文淵閣大學士詩工部郎中詞知府
論歷官太子太保兵部尚書初進位家宰讚以給事中
避改翰林檢討讚以御史改編修進削籍讚謫判官讚
知縣讚後起爲尚寶丞遂請告嘉靖改元起爲南通議

時與王湛諸君子講學輔臣薦改侍讀學士爲經筵講
官上緝熙聖學四事一曰測圖書以明道源二曰主聖
繼以求道是三曰辯諸儒以祛道惑四曰屏襍說以防
道害後上所著三書一通鑑綱目前編一圖書管見一
八極圖論尋擢太常卿掌國子監祭酒事九年從謁先
聖文華殿上諭曰朕奉先聖先師于此庶起敬慕以遜
三十學卿等其同朕棄誥進中庸書怒哀樂章講義十
二從宴涵風亭進無逸篇中宗受命章講義進諸子誥
策好學其論學謂理氣渾全本無支離宋儒力詆虛無

六排二氏及自爲論析理氣爲二不知自墮於佛老之
見也王浚川深然之誥素澹於仕進嘗曰吾近見士人
大官憤恚若喪吾甚惑之夫官朝廷物也來若被衣去
若解帶豈吾支體若乎嘉靖十三年卒于位謚莊敏讚
起自藩臬入爲光祿卿轉刑部侍郎拜尚書時議郊禮
分合讚上疏曰春秋記者致嚴辨之道也合記者通功用
之妙也昭格天地不在禮文而在淵德請慎茲大典及
轉戶部有創新議輒爲報罷曰利不百不變法毋徒徇
名貽害爲時令有司積穀備荒以多寡爲殿最讚額

備既有倉矣今舍此而別積穀徒增苛歛不可有請內
帑發邊士屯田讚曰兵弱虜強士不得耕徒損國儲非
計毋病歸省已起吏部值守制詔先期來服終卽詣部
泣事吏科謝廷菹請令終制勸忠以爲孝上曰用人急
尚書不可虛位耳勿爲例屢加官至少保災異罷歸尋
又起一品六載考績加太子太傅入內閣太廟成加少
傅尋引疾乞致仕上怒削籍二十七年卒贈少師謚文
簡讚小心守法居家宰不敢任喜怒進退人上嘗稱讚
端慎故屢罷屢起讚以兩世掌銓大懼盈滿故在位恒

兢兢論有才畧好談兵嘗進九邊圖時稱石畫入爲都御史歷兵部尚書多出巡撫總督三邊要地三十四年加太子太保三十五年召還管部事三十七年以科臣吳時來論劾削籍明年復起總督薊遼上晚年好玄修論進家藏紫清仙人白玉蟾真蹟一本上嘉其忠款四十年科臣鄭茂劾論在鎮三年一卒未練糧餉倍於往昔罷歸四十五年卒

論曰語曰活千人者子孫必封初進之討牙蘭也哈思城有番種八百人登臺自保將校請曰斬此八百首功

公且得封侯進曰拊膺從柔遠人期在安輯安悉以多
敵爲功逆天道有敢違令者斬八百人竟得不死君十
曰襄毅公之克昌厥後也宜哉又聞進初起家御史道
上惟乘馬其配高夫人亦騎而從誥襁褓讚姬在腹讚
起太宰沿途供張甚令陳文獨草具成禮文簡識之曰
此必雅志古道者卒召用之其父子風度皆可愛也

皇明史竊卷之第五十八

王彭陳伍翁列傳第三十六

東莞尹守衡著

王瓊字德華晉州人也成化二十年進士初授工部主事累官至右布政武宗朝入爲右副都御史歷進戶部尚書轉兵部尚書當是時錢寧諸小人皆上所寵幸能用事瓊處其間顧有權術善駕馭之反與相得有言於上必得俞旨瓊才故大而且有遠識至其聰察明敏臣所不及居戶部各邊錢穀士馬數至百千萬億瓊類能默識之事至應機立斷不爽毫髮邊帥有與內倖

交通謬稱糧草不足橫奏乞瓊屈指計之曰某倉庠糧
幾何其場庠草幾何各郡歲輸糧幾何邊卒歲採秋青
草幾何用蓋饒也何重索不許邊帥屈服及爲司馬每
征討所擬將帥上請得旨來見瓊輒授與方略數千里
外如在目前且語之曰閩以外主帥當自制之大事先
行後聞可也王守仁巡撫南贛奏請得從軍興法便宜
行事瓊報可瓊語僚屬曰此小事不足煩守仁但假此
初得在其手以待他變守仁後已奉命入閩濠反遂得
尋制留吉安與伍文定共計禽濠建大勲是時上好出

遠不親萬幾且未有皇子朝十
洪友不敢

及各惴惴私相語

必成瓊

曰管子烏鼠聚刻

期成會首請下詔削濠屬籍正賊名對衆大言曰禽濠
者必守仁也卒如瓊言顧守仁不自有功歸功瓊瓊計
事無遺筭且有膽力上初單騎巡邊朝士凜凜曰遠則
漢高帝之平城近則土木可鑒也議嚴兵守京師瓊曰
上偶出遽嚴兵如有譏夫曰將據國也禍孽作矣乃馳
奏行在命文武大臣守都門調將士列伏邊城大同遼
東延綏士馬皆集行在命大帥一人開闡河間近保京

師遠控齊魯檄薊州都御史臧鳳保定都御史李瓚嚴
其要害爲駕驛扈檄在京守備時察奸宄是時乘輿出
邊塞逾年京師無虜警邊圉安堵如常皆瓚鎮定功也
上初轉瓚兵部御史高韶論之瓚疏六上乞避位不許
是時都御史彭澤出經畧哈密未成功即歸土魯番入
寇殺邊將去瓚論之朱寧將取上旨殺澤澤嘗言寧恨
不手刃此奴瓚以語寧寧故深恨之澤去朝士以是皆
爲澤憤而其惡瓚矣瓚明年遂加太子太保又明年加
少保兼太子太保其冬以兩廣功加少傅兼太子太傅

又二年以應州功加少師兼太子太師人謂瓊結諸佞
倖遂躡公孤至此尋進吏部尚書世宗入國書誅諸佞
倖於是言官亦共劾瓊阿附權奸斥逐忠良詔下和閣
臣廷和欲論瓊死已赦出之戍邊左瓊益大怙廷和廷
和因議禮不合罷歸瓊上疏自列語多侵廷和釋爲平
虜是時大入陝楊一清還朝難其代宰臣桂萼欲起用
瓊言一清曰卽今六部諸公及在外耆舊誰可比王瑄
者一清曰論瓊才一時六部九卿誠不能及但其心術
衆不肯信萼曰馭得其道天下狙詐咸作使聖天子在

上用之於久廢之餘當必深思所以報皇上者一清曰
雖然子姑存此義在天下可也萼疏于上詔復瓊兵部
尚書兼右都御史總督陝西軍務瓊至鎮土魯番請還
我哈密率十國番夷來入貢語益恭瓊引夷使伏階下
風諭朝廷威德慰犒之繇是諸番皆受約束若籠板爾
不受命時入犯搗其巢殲焉三四年間西陲無事河西
四郡民慮瓊旦暮還朝去請撫臣唐澤頌瓊功伐願得
瓊長坐鎮我河西澤以聞上降勅褒美羗夷寇羣昌瑯
曰欲撫罕开必勦先零自固原以至洮岷各於要害大

一甲兵撫定六十五族勦平一十六族又自蘭洮盡二
千餘里修築邊牆以禦吉囊俺答大修楊一清之政加
振刷焉十年甘露降於固原瓊採以獻因言陝西天旱
民饑流徙者衆願以甘露降祥而感上天以旱乾爲災
而恤下民亟請大施賑恤以上應天眷上悅令議賑賜
瓊金幣是歲召還朝轉吏部尚書諭戡卒于位贈太子
太保謚恭襄彭澤者字濟物蘭州衛人弘治三年進士
爲人長大腰帶十二圍其顧盼燁如也平居鮮笑容雖
與爲偶語叱叱聲若雷繇部郎出知真定府陞浙江副

使河南按察使皆以威猛聞召入爲都御史詔帥延綏
丁亥邊兵分勦河南流賊劉六趙風子等還加
保右都御史已又詔克總督往平蜀盜廖麻子
丁太保是時彭澤兩爲主帥功名頗著公卿間遂益驕
公瓊爲大司馬主兵柄澤每因酒使氣時時出瓊上瓊
「之澤亡何遂有經畧哈密之行哈密者元之遺裔國
初置衛其地爲我外藩太宗時封忠順王予之金印成
化中土魯番擾而有之旋還我旋復奪及是貽書甘州
鎮巡官索幣一萬疋復還我哈密石即插旗甘州門總

制都御史鄧璋以書聞閣臣楊廷和遂請勅澤爲總督
往經畧之澤至大集延寧諸路兵費餉百萬按戈境上
是時占守哈密諸夷大跡赤斤苦峪諸處澤坐視之不
救遽以繒綺三千并白金器皿遣送土魯番且喻之
曰汝還忠順王城印我奉朝廷蟒衣膝圍織金紗段寶
玉珍珠都可得也使者未還報澤奏事平先歸土魯番
得幣甚喜然猶少之我使者乃復許之增幣土魯番於
是遣人歸我城印至肅州我許之幣不如其數且留其
二夷使爲質土魯番怒乃復占守哈密直犯肅州遊擊

芮寧與戰死之瓊條澤死罪錢寧欲從中下閹臣救得免削籍去及瓊論成澤復起爲兵部尚書以老加少保致仕卒隆慶初更贈少保謚襄毅

陳九疇者字禹學曹州人也弘治十五年進士授刑部主事九疇善騎射多權畧囚反于獄勢莫敢櫻九疇荷戈獨先囚悉就禽名重京師恤錄南畿不賂瑾謫令陽山瑾誅還部歷郎中陞肅州兵備副使土魯番挾哈密衆索幣九疇曰與之幣哈密亦不吾有不與之幣哈密亦不吾有九疇知有河西而已何有哈密上命總督彭

澤至經畧九疇止澤以與幣澤不可都御史鄧璋時亦
總制甘肅亦止之亦不可澤竟予之九疇言璋曰彭公
受天子命全陝重寄不能身任利害徒模稜効謬宋故
態何顏立天地間耶此行夷禍不旋踵矣日惟厲士卒
繕壘堡待之及使者至土魯番不得要領反啟番兵入
寇直逼肅州城下城中危困甚先是諸降夷及夷使
入居城中者番兵陰與約爲內應共翻城九疇頗得其
影響悉收捕捶殺之身披甲胄督士卒嬰城守而使使
婦瓦剌夷酋大破番落三城乃遁去肅州人以是皆怨

澤以爲夷來殺戮我民人澤勾致之王瓊遂得以此媒
孽澤而是時入貢回夷有憾九疇捶殺其父覘知瓊指
上書訟冤瓊乃并逮九疇廷訊當九疇激變喪師罪死
科臣論赦免爲民世宗卽位起按察使超拜僉都御史
巡撫甘肅三年土魯番速壇滿速兒以二萬騎寇甘州
九疇擊走之追至肅州斬其將火者他只丁而部下且
言滿速兒中流矢死九疇上首功以聞上降璽書加賞
勞焉九疇請絕其貢滿速兒故未死瓊使錦衣百戶王
邦奇劾奏之上怒甚逮下詔獄坐誣罔論死兵部尚書

胡世寧言九疇雖輕信所部上功失實然其人忠勇
任也且土魯番所忌惟九疇游詞反間變詐百出罪九
疇是快夷心自礮于城非計乃戍遣夷人見九疇登陴
睨從上射下無虛矢噉指走號爲飛將耳肅人建生祠
祀之戍後竟不復起晚年縱誕聲酒嘗宴客不給輒從
一騎出百里外必有所獲而歸人亦不敢問之

論曰王瓊遣人以配楊一清彭澤豈其比哉澤剛而無
禮徒好上人而無益於國有萬軍中一籌莫展夷心何
厭之有二千緡綺猶以酋寧一軍之首領從之尚不欠

一死耶何嘗瓊也然而因澤以及九疇寬矣瓊比錢寧
江彬誠有之直拊兩人之背握其吭使爲吾用耳以論
於楊廷和陸完諸公錢寧戚賢輩得役使之瓊有是乎
吾聞江彬卽從南還至通州勢至赫也時召九卿出觀
都人洶洶僉謂彬將盡掠九卿之印以行大事九卿凜
凜無敢請行在者瓊曰予也備位大臣天威咫尺敢不
覲與佩印以往彬等見之歡如魚水瓊按大司馬行事
三軍歸統屬焉顧視彬輩猶糞土也大臣制變胥中自
有權畧安在其必與群小爭衡乎

伍文定字時泰松滋人也弘治十二年進士初授常州府推官性剛直政任事嘗與提學御史抗至爲諸生衛之幾斃猶曳衣行行自若也遷成都府同知仍以常州時承勘徐國奏爭民山事璫瑾逮下詔獄罷爲民瑾誅徵補嘉興撫臣陶琰檄守開化常山諸縣文定身入華埠諸山寨梟其首惡汪宣等一十二人琰上其功詔下賞賚擢河南守尋改吉安南贛撫臣王守仁檄討大茅山洞賊平之濠反爲文以弔孫許二公讀之髮指淚墮王守仁過吉安文定遮留入城請曰賊烏合勢必敗一

時猝起百姓承平久無敢與爲難公威望素重宜即吉安起義集諸路兵擣其穴必潰身敢任麾下之役守仁曰善非太守吾亡與共事者遂留吉安飛檄諸郡縣起兵文定日督郡民繕戈甲修戰舸窮晝夜不休誓之衆曰濠今所苦毒非爾父兄耶爾子弟今宜早殲爾讐紆爾宿憤衆唯唯爭用命守仁駐節吉安文定日與籌畫其矢天日務殄此逆賊而後朝夕食破南昌出鄱陽身對賊大戰立銃炮間火燎其鬚盡殊死進不少憚遂禽濠詔進江西按察使大閹張忠從上親征耻獻功已無

與惠恨甚率北軍至南昌窮搜逆黨文定每與忤常見
賜遂移病免官去嘉靖初論功官一子錦衣千戶起文
定南京右副都御史提督操江尋乞休嘉靖七年上命
守仁巡撫兩廣守仁辭薦文定言臣與文定昔討寧藩
備知其能起而用之其于經略之方撫綏之術必能不
負所委任詔起爲兵部侍郎右都御史時丁雲南土酋
安詮方構亂勅文定提督雲貴楚蜀四省兵討之文定
至詮死難平遂乞休卒謚忠襄

論曰人言禽討寧王之役文定功第一夫守仁固制帥

哉其愆憑揮霍提其領而夾輔之亦不少矣余觀文定
雖以詩書起家當官不忘甲冑所至輒討賊嘗自謂以
身許國計其爲人勃勃多奇氣忠憤所激便忘其軀以
赴之蓋其天性然哉

翁萬達字仁夫揭陽人也嘉靖五年進士初授戶部主
事奉命賑饑畿輔萬達屏去騶從禁民供應曰百姓方
待哺於我我能享受如此乎巡行勞來所至民懷上嘉
獎賜以金帛羊酒出爲梧州守郡當兩粵要衝萬達居
四年威惠大著督府每以坐鎮與朝夕咨議咸服其材

客焉天子方議欲征安南逆賊莫登庸乃陞萬達爲廣
西按察司征南副使萬達上書督府曰兵家之勝貴知
彼已竊計莫賊備我之策大約有三早懇陳乞幸免加
兵上策也不得已而乘虛先突撥我邊場大兵至日勢
如不敵堅壁清野退守海東中策也又不得已航海而
逃伺間竊發下策也我今所以處莫賊者其策亦有三
以天朝威德之盛布之文告之辭震如洊雷掃如撓撿
使千里之國折於咫尺書萬人之命全於一檄登庸皦然
獻誠頓首待命以全我聖天子大造之仁而二三執事

可以垂橐端委揖讓而告成功焉此上策也若彼以奸
宄之心逆我大信猶豫之狀撓我寬仁必將提兵百萬
大震天威譬之太山臨於累卵洪濤沃於一燭而懾之
以不敢不從則猶幸兵不血刃以戢烈焰於崐崙此中
策也倘彼以義聞爲要劫以至誠爲可紿迷復怙終奸
我王命則徒繁辯駁之書反傷尊大之體於是乎三略
訓兵五申誓衆靈旗直指雲騎長驅取鯨鯢以爲大戮
縛僵屍蔽野腥血灑途芟夷滅絕所不惜也執事者將
馳露布以告捷繫俘酋而獻廟皇靈殫赫震於九埏威

則威矣而聖天子好生惡殺非其所先此下策也今
總製長兼群策歸之以懼終之以謀集兵糧倡勇悍
權在我動出萬全縱不得其上而可得其中必不得已
就其下亦將舉之裕如不至於從事失時也若徒煒燁
以馳聲眩矜以騰說夷情狡謫豈謂無知惟臺下其圖
之萬達遂行部至太平剿賊勢而是時麓州土日趙楷
何武州常應憑祥州李寰三酋皆慕主自立共通於莫
祭庸萬達愛之言督府曰若使我軍深入而此輩皆先
得爲莫賊耳目此危道也宜先翦此督府曰公當以便

宜行事萬達已聞思明土舍黃朝昔嘗助應楷及寔朝
皆與有連朝亦常與登庸通遂召朝來見讓之曰而罪
當死而知之乎摘數之朝叩頭流血乞免死萬達曰汝
能從我言可有贖朝曰敢不從命萬達曰今督府所欲
急者此三人汝能爲我儉之乎朝叩頭願以死報萬達
遣之去朝遂先械帶應請萬達請罪他日使人傳語楷
曰翁監軍語我曰今天子將有事南夷凡我邊圉之臣
有用命者尊官立致也聞汝多智勇南征可當一面楷
聞之統兵千人來見萬達萬達喜甚留語旬日一日人

見伏壯士繫之曰汝罪無赦汝死官必及子可諭汝黨
勿亂也楷曰楷死而官府食言奈何萬達曰有如日楷
書諭其黨曰亂無益也可善輔我子以存趙遂杖殺楷
而立其子匡萬達遣一指揮徵兵憑祥部勒若行邊然
襲襲執之榜諭其黨曰罪止一本家也三兇授首乃下
禁令曰敢有出境與莫賊通者磔之籍其家能禽莫賊
一人者予百金賊謀無敢近邊關已而我軍謀者來言
莫登庸近將精兵五六萬人往來山海間有以天朝加
兵言者必繫之有以不加兵言者亦繫之曰第觀他日

言可據者生不可據者死萬達以聞于督府曰莫賊固
亦有心計者大較我不震之以兵則彼或無畏欲震之
以兵則大衆未集兵家之法不用而示之用用而示之
不用漢兵誅郢亦行以驚動南越威近可以讐遠日者
斷藤峽諸蠻每出殺掠爲潯害御史已得朝旨命計之
今請用兵於峽蠻先聲以奪交人之氣亦一奇也督府
遣之屬萬達兵五萬使征之萬達分爲左右兩軍從南
比峽人勦躬矢石冒嵐瘴搗其巢斬首一千二百級進
至羅連山餘黨率其妻孥叩首歸命乃遣之始班師督

府上其功詔陞一級賚之金幣登庸聞之大恐謂左右
曰天朝方以兵加我而悉平內寇以爲之先豈其嘗我
也哉萬達尋陞浙江右參政督府疏言萬達通達國體
曉暢戎務宜終始安南以贊成安攘之功詔改廣西參
政萬達行邊過甕門虎出傷其一卒死萬達爲文告山
神曰天地生物而聖人治之放龍蛇於淵驅虎豹於山
所以各得其所使並育而無相害吾奉天伐罪爾神不
能驅逐猛毒以傷吾軍吾將叩關天帝有所辟罰於神
矣敢告王者其令噬人者死無或故縱以爲神羞乃募

力士探其穴射殺其七其一獨雄猛生得之軍中譁曰
罪虎也登庸畏威輸款是其兆乎已而登庸素衣面縛
叩鎮南關來降上其安南國王印歸欽州四崗地復奉
名牋謁轅門請曰靈夷今日始入中國得覩漢官威儀
願乞一言宣示遠人使知聖天子盛德諸諫萬達萬達
執筆大書曰聖天子以好生爲德待爾不死此覆載之
大恩也爾宜永肩一心世爲不侵不叛之臣爾亦尚荷
聖天子萬世無疆之休登庸且喜且泣稽首稱萬歲是
役也萬達寔始終之督府奏勲萬達爲最尋陞四川按

察使歷陝西左右布政陞右副都御史巡撫陝西其久
晉兵部右侍郎總督宣大萬達上疏謝恩曰臣惟司馬
作貳官秩驟遷制閫專征使權彌重省循竟日榮忝兼
懷伏念臣本南人徒讀父書未閑將畧不意北門重寄
誤以畀臣廷臣共遜其難竊劣豈勝其任但天驕未戢
主上殷憂臣身馬牛敢遑自愛茲當鞠瘁從事仰酬國
恩顧方今邊事得失之故借箸難詳而將來設施措注
之方掣肘是慮覆轡當鑒易轍乃行欲持永安宜畧近
效依賴少寬衍策俾盡驅馳僅有建明特賜財擇萬達

自出重關周覽絕塞數訪邊居遺耆於是稍知邊畧首
請修築邊牆長一百三十八里有奇壕塹如之東連西
陽河西接靖虜堡緣牆而爲堡七墩臺一百五十有奇
分兵置戍聲援聯絡自居庸以臨三鎮禾黍蔽野室家
無恐畫圖以獻上曰總督官備極忠勞朕心嘉悅翁萬
達陞右都御史兼兵部左侍郎蔭一子賚銀五十兩紵
絲四表裏虜人犯萬達徵書四發疾馳四五百里有督
各軍迎擊別製火砲有三出連珠百出先鋒鐵棒雷飛
數種一砲當虜數十騎虜大驚以爲前所未有也聞砲

聲輒大呼曰翁太師來矣不得一人一畜而遁萬達嘗
自愧曰以一總督躬親戎服介馬營中誠非體譬之馮
婦不免爲士人所譏然使遑圍遺黎犬羊得食其肉則
亦安用總督爲也獨喜大同帥周尚文可共事聞警輒
令尚文帥其部騎爲先鋒尚文嘗與虜戰曹家庄虜騎
十萬尚文僅以萬騎爲所困萬達又僅以四千騎往援
相去四十五里會西南風大作萬達命輕車數百輛曳
柴以進塵霧蔽天咫尺不能辨虜大驚相呼翁太師已
至解圍走萬達與尚文追奔出境乃還是時關南北皆

東北風且甚烈獨萬達師行五六十里內起西南風萬
達曰嚮謂孔明公瑾東風助順以破曹瞞不謂天亦佑
予也獻首虜四十九級上下璽書褒勵賚予有加歷左
都御史陞兵部尚書兼右副都御史仍總督其年五月
召入爲兵部尚書十月遂奔父喪歸里其明年七月虜
人大同塞殺總兵張達上逮總督郭宗羣謫戍去乃思
萬達詔奪情起之以萬達未卽至命兵部侍郎蘇佑往
攝以待萬達方懇終制未得命旦夕守喪次八月虜薄
都城上下兵部尚書丁汝夔獄復起萬達兵部尚書趣

之萬達聞命慟哭曰主憂至是豈臣子愛身之日乎卽
日曳几筵單馳就道而是時已兩閱月上心稍遲之矣
屢問翁萬達到未耶輔臣蒿曰虜患在肘腋諸臣碩覩
望恐非君命不俟駕之義上深然之曰古語忠則盡命
又豈俟駕耶卽萬達不來不必待也以侍郎王邦瑞代
之萬達至謝罪奪秩數日降兵部右侍郎兼僉都御史
守易州明年以大察自陳乞終制上怒斥爲民達歸乃
塋父廬于墓側其明年上罷兵部尚書趙錦復萬達爲
兵部尚書尋卒贈太子少保謚襄毅

論曰安南之役片畫疇非萬達功哉兵聯四省僅及門
庭計當其時郡縣之何有廟堂之上議復河套紛紛何
難島上夷也比膺總督三邊肝膽皆爲出血深懼絕肱
四五年間先時者三人同時者二人罷去幸也謫戍次
也繫獄且死哀矣萬達敢斬免耶斬焉衰經之中天子
益厯頗牧之思身還朝廷魂依先壠及蒙天譴稍遂首
丘旋荷賜環九原不可作矣爲人子有未竭之孝思爲
人臣有不盡之忠悃亦足悲也萬達爲總督時有王和
直者磁州人初爲諸生儼厲矣慨然有求試請纓之志

自薦於朝得叩萬達轅門來見萬達與談邊事大相契
每共解衣分坐遇以國士邦直願以肝膽相歸爲人力
舉千鈞且熟武經三畧而性又至孝萬達畀以一雞一
黍南向垂涕念毋爲勤後從參將張鳳出討虜爲替議
鳳與虜戰死鵲鴿谿邦直身帥壯士大呼曰鳳死吾儕
豈得獨生邦直不死耻視總督軍門顏面汝輩宜捐一
死報國壯士共奮前斬虜四五百人盡死無一退者邦
直手一大刀三十斤殺虜數十人腰一鐵簡卅五斤垂
死運擊又殺十餘虜萬達曰邦直恂恂一書生耳觸鋒

皇明史稿

翁萬達

王邦直 卷六

七

突刃畢力死綏雖古烈士寧多數乎請于朝贈都指揮
僉事蔭一子磁州所正千戶